

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i Odluke o uslovima i kriterijima za imenovanje predsjednika i članova Upravnog odbora Fondacije za mobilnost studenata i nastavnika Federacije Bosne i Hercegovine ("Službene novine Federacije BiH", broj 101/17), federalna ministrica obrazovanja i nauke objavljuje

## JAVNI OGLAS

### ZA IZBOR I IMENOVANJE PREDsjedNIKA I ČLANOVA UPRAVNOG ODBORA FONDACIJE ZA MOBILNOST STUDENATA I NASTAVNIKA FEDERACIJE BOSNE I HERCEGOVINE

Objavljuje se Javni oglas za izbor i imenovanje predsjednika i članova Upravnog odbora Fondacije za mobilnost studenata i nastavnika Federacije Bosne i Hercegovine.

Upravni odbor Fondacije za mobilnost studenata i nastavnika Federacije Bosne i Hercegovine čine predsjednik i dva člana.

#### I Opis pozicija

Predsjednik i članovi Upravnog odbora obavljaju poslove određene Odlukom o osnivanju Fondacije za mobilnost studenata i nastavnika Federacije Bosne i Hercegovine ("Službene novine Federacije BiH", br. 34/17), a naročito:

- ostvaruju ciljeve Fondacije utvrđene Statutom;
- donose program rada i plan poslovanja Fondacije;
- vrše izmjene i dopune Statuta i općih akata Fondacije;
- daju suglasnost na pravne radnje koje su preuzete u ime Fondacije;
- upravljaju sredstvima Fondacije i odlučuju o raspodjeli i upotrebi sredstava;
- pripremaju financijske i druge izvještaje;
- imenuju osobu koja će zastupati i predstavljati Fondaciju u slučaju spriječenosti predsjednika Upravnog odbora;
- vrše i druge poslove u skladu sa pozitivnim zakonskim i podzakonskim aktima, te Statutom Fondacije za mobilnost studenata i nastavnika Federacije Bosne i Hercegovine.

#### II Uslovi izbora

##### a) Opći uslovi

Svi kandidati moraju ispunjavati slijedeće **opće uslove**:

- da su državljani BiH;
- da su stariji od 18 godina;
- da nisu otpušteni iz državne službe kao rezultat disciplinske mjere na bilo kojoj razini vlasti u Bosni i Hercegovini u periodu od tri godine prije kandidiranja;
- da nisu obuhvaćeni odredbama članka IX. 1. Ustava Bosne i Hercegovine;
- da nisu izabrani zvaničnici, nosioci izvršnih funkcija i savjetnici u smislu Zakona o sukobu interesa u institucijama Bosne i Hercegovine ("Službene novine Federacije BiH", br. 16/02 i 12/04);
- da **nisu osuđivani** za krivično djelo ili privredni prijestup;
- da se protivi njih **ne vodi** krivični postupak.

##### b) Posebni uslovi

Pored općih uslova iz tačke II ovog Oglasa, kandidati moraju ispunjavati i **posebne uslove**:

1. da učestvuju u nastavnom procesu ili su angažirani u nastavno-naučnom ili naučnoistraživačkom radu na javnim univerzitetima/sveučilištima koji su izabrani u odgovarajuće akademsko zvanje s najmanje tri godine radnog iskustva,
2. da su afirmirani pripadnici akademske, naučne i naučnoistraživačke zajednice, s dokazanim iskustvom u projektima akademske međunarodne saradnje,
3. da su upućeni u sadržaj i način rada upravnog odbora,
4. da su upućeni u rad Fondacije za mobilnost studenata i nastavnika FBiH.

Prednost kandidata iz stava (2) ove tačke ostvaruje se na osnovu dokaza o učešću u projektima međunarodne akademske saradnje i razmjene.

Uspješnost kandidata u pogledu zadovoljavanja kriterija izrazit će se u bodovima od 1 do 5.

### **III Trajanje imenovanja**

Predsjednik i članovi Upravnog odbora Fondacije za mobilnost studenata i nastavnika Federacije Bosne i Hercegovine imenuju se na period od četiri godine, sa mogućnošću imenovanja na još jedan mandatni period.

### **IV Potrebna dokumentacija**

Prijava kandidata treba da sadrže kraću biografiju, adresu i kontakt telefon.

**Uz prijavu, kandidat je dužan dostaviti dokumentaciju (original ili ovjerena kopija) kojom dokazuje ispunjavanje svih općih i posebnih uvjeta:**

- uvjerenje o državljanstvu (ne starije od šest mjeseci);
- ovjerena kopija diplome o stečenoj stručnoj spremi;
- dokaz o radnom iskustvu u vezi sa tačkom II b), alineja 2.,
- dokaz o rezultatima ostvarenim u dosadašnjem radu u vezi sa tačkom II b), alineja 1.,
- uvjerenje da nije osuđivan za krivično djelo ili privredni prijestup (ne starije od tri mjeseca) (izdaje nadležni MUP);
- uvjerenje da se protiv njega ne vodi krivični postupak (ne starije od tri mjeseca) (izdaje nadležni općinski i kantonalni sud);
- ovjerene izjave kandidata u vezi sa tačkom II a), alineja 3., 4. i 5.

### **V Ostale informacije o postupku**

Nepotpune i neblagovremene prijave neće se uzeti u razmatranje.

Samo oni kandidati koji budu ispunjavali sve uvjete iz ovog Oglasa bit će pozvani na intervju.

Podnositelji prijava sa kojima se ne stupi u kontakt u roku od sedam (7) dana od dana isteka roka za podnošenje prijava, neće biti uzeti u razmatranje u daljnjem procesu izbora i imenovanja i neće im se dostavljati odbijenica u pismenoj formi.

Ovaj konkurs će se objaviti u "Službenim novinama Federacije BiH" i u dnevnim listovima "Oslobođenje" i "Dnevni list".

Konkurs ostaje otvoren petnaest (15) dana od dana objavljivanja u "Službenim novinama Federacije BiH".

### **VI Rok i mjesto za podnošenje prijava**

Prijave sa traženom dokumentacijom mogu se dostaviti osobno ili poštom preporučeno, na slijedeću adresu:

**Federalno ministarstvo obrazovanja i nauke  
Ante Starčevića bb.  
88000 Mostar**

sa naznakom "**Prijava na Javni oglas - ne otvaraj**".

**MINISTRICA**

**prof. sc. Elvira Dilberović, s.r.**

Broj: 01-4227-1/18  
Mostar, 23.10.2018. god.